



Шорно эл, пуримук да гын берр!

16 (3248) №,  
2016 ий 16 апрель,  
шуматкече.

# ЯМДЕ-ЛИЙ

1933 ий 1 февраль годсек лектеш.

0+

## Элнет марийын тукым

14-16 апрельште  
Иошкар-Олаште  
X Марий калык Погын эрта.



Шола гыч пурлашке:

М.П.Яковлев, Т.В.Чермакова,  
пашаштышт полшышо, Монаш  
ялшотан илемым вуйлатыше  
Р.Ф.Иосифов.



1 апрель гыч 2016  
ийын II  
пелийжылан газет  
ден журнал-влаклан  
подписке тургым  
тўналын!

Татарстан  
Республикысе Мен-  
делеевск районын ик сылне  
верыштыже Элнет ял верланен.  
Тысе марий-влак землякышт, икым-  
ше марий баснописец, педагог, просве-  
титель М.С.Герасимов-Г.Микайым шарнен  
илат. Михаил Степановичын пашажым школ  
шуя. М.П.Яковлевын вуйлатыме коллектив (лу  
утла туныктышо да 31 тунемше) писательын  
илыш корныжым, возымо пашажым шымла. 130  
ияш лўмгечыжым палемденят. Школ пеленысе  
йочасадыш коштшо-влакат Микай кочаштым пален  
кушкышт манын, вуйлатыше Т.В.Чермакова ден  
воспитатель Е.А.Миронова тыршат. Тудын басныла-  
рвезе-влак (снимкыште), Элнет марий вургемыш-  
тым чиен, кугыеннын кумылым нўлтат. Теве тыге  
тачысе саманыште рушанаш тўналше йочам  
марий шўлыш дене авалтат. А изи егын шўм-  
чоныш мо пышталтеш, тудо курымеш илаш  
тўналеш.

Анфиса ЭМАНОВА.

Авторын фотожо.



## Сылнымутым лудшо – «Артекыш»!



2016 ийыште «Илыше классике» Всероссийский конкурсышко 10 гыч 16 ияш марте ўдыр-рвезе-влак ушненыт. Марий Эл Республикысе тўрлў школла гыч 900 утла тунемше оласе да районласе конкурсышто мастарлыкшым терген. Эн виян 77 ўдыр-рвезе Йошкар-Олаште тагасен. Марла лудшо-влак тений шукын лийыныт. 27 тагасыше кокла гыч **Снежана Ишуткина** (Курыкмарий, Усола), **Юлия Тимофеева** (Морко, Эгерсола), **Александр Пасеев** (Шернур, Кукнур) ойыртемаптыныт.

Руш да йот элласе писатель-влакын сылнымутыштым лудшо-влак коклаште сенышыш Алексей Малышкин (Волжский, Мамасево), Елизавета Фурманова (Волжск оласе 9-ше номеран школ), Александра Бусыгина («Канде кайык» гимназий) лектыныт. Нуно Марий Элын чапшым Всероссийский конкурсын финалыштыже аралаш тўналыт. Тагасымаш майыште «Артек» йоча рўдериште лиеш. **Л.ГРИГОРЬЕВА.**

### Лўмгечет дене, Шернурем!

«Самырык тукум» сылнымут конкурс Шернур районын 95 ийым темымыжлан пўлеклалтын. «Самырык поэт» номинацийыште мый икымше верым налынам, Снежана Петухова кокумшо лийын. «Самырык прозаик» номинацийыште Олеся Васеева ойыртемаптын. 9-ше классыште тунемше-влак эн сай презентацийыым ямдыленыт.

**Андрей МАКСИМОВ.**

### Купсола саламла

Шернуремым саламла Купсола. Индешле вич ийым пырля палемда. Сылне мурым тудлан пўлекла. Шке вериўржым моктен каласа. Пайрем годым Шернур, Купсолат Муралтен йивыртат, тавалтат.

Ваш келшен

Шернур калык ила,  
Купсола тудлан

вийым пуа!

**Анна СОЛОВЬЕВА,**

6-шо класс.

Шернур, Марисола.



### Йолташем

Марий кундемыште тўрлў газет ден журнал-влак савыкталмыт. Эн йўратымыже – «Ямде лий». Мый тиде газет нерген йолташем-влак деч пален налынам. Школыштына «Ямде лийым» пеш пагалат да кумылын лудыт. Редацийышке элнан тўрлў кундемлаж гыч йочашамыч серыш-влакым возкалат. Тыге газетым пойдарат. Йоча-влак, газет дене поро йолташ лийза!

**Юлиана ЕРМОЛАЕВА,**  
7-ше класс.

**Марий Турек,**  
Сардаял.

### Кў тугай Бутяков?



Визымше классыште тунемше-влак (снимкыште) Звенигово оласе тоштерышке экскурсий дене миенна. Музей пашаен-влак олан тошто годсо илышыж нерген каласкаленыт, ожнысо арверлам ончыктыныт. Совет Ушем Герой С.Н.Бутяков нерген ойленыт. Марий кундеммысе янлык ден кайыквусо экспозиций мыланна эн чот келшен. Мучашлан викториным эртареныт да пўлекым кучыктыныт.

**Аня РОМАНОВА,**  
Звенигово, Эсмекплак.

### Почеламутым лудна

Шочмо йылмын кечыже лўмеш 5-ше классыште тунемше-влак марий йылме нерген почеламутым тунемна да урок коклаше каныш годым коридорышто йоча-влаклан каласкалышна. Нунылан тыгай койыш ўрыктарыше лийын. Ончыч шкежат ўрмалгышна, а вара онгай веле.

**Даша ТОБЕКОВА.**

**Куженер, Конганур.**



## Тўнал пушо



**И.С.Палантайн** лўмгечыже вашеш **Марий Эл да Россия искусствын сулло деятельже, Марий Эл Республикысе композитор ушем вуйлатыше Валерий Дмитриевич КУЛЬШЕТОВ** деч йодна: «*Иван Степановичым Те молан пагаледа?*»

– И.С.Палантай – икымше марий композитор, марий профессиональный музыкылан тўналгышым пыштыше. Иван Степанович калык мурым сайын пален, нуным иквереш чумырен, радамлен да саемден. Варажым шке гыч сем-влакым возаш тўналын. Марий профессиональный музыкылан могай корно дене кайышашым ончыктен да кугу кўкшытыш нўлталын. И.Палантай калык хорым чумырен. Тиде икымше профессиональный хор лийын. Тудо 1923 ийыште Хор-влакын икымше олимпиадыштышт М.Е.Пятницкийын хоржо деч вара кокымшо верым сенен налын. Тылеч вара симфонический оркестр чумыралтын. Кеч-могай пашаште тўналгышым ышташ эн неле. Корным ончыктымеке, варажым тудым моло-влак виян ден колтат. Садлан мый Иван Степанович Палантайлан вуйым савем.

Марий профессиональный музыкылан негызым пыштыше композитор Иван Степанович Ключников-Палантайлан памятникым Йошкар-Олаште 1982 ийыште шогалтыме. Скульптор – Б.И.Дюжев.



Л.НИКОЛАЕВА.



## Шымлымаш паша ушым пойдара

Тўналгыш класслаште тунемше-влак шымлымаш пашам эртаренна. Икымше класс руш такмак-влакым поген, изи книгам ыштен. Кокымшо класс «Георгиевский ленте» проектым ямдылен. Бисер гыч тасмам кельштареныт. Кумшо классысе ўдыр-эрге-влак авашт нерген каласкаленыт. Яна Ельмекеева ден Вика Бурдакова (4-ше кл.) кундемшытына кушшо да лум йымач эн ондак лекше пеледыш-влакым шымленыт. Тиде класс гычак рвезе-влак мифлаште вашлиялтше 544 персонаж нерген каласкаленыт. Сўретымат сўретленыт. Мый «Лудмаш – эн сай тунеммаш» проектым ямдыленам.

**Кристина НИКИТИНА, 4-ше класс.**  
У Торъял, Тошто Торъял.



8-9 апрельыште Йошкар-Олаште, Национальный президент школ-интернатыште, «Славянские напевы» регион-влак кокласе IV конкурс эртаралтын. Тушто Угарман, Виче кундемла, Татарстан, Чуваш да Марий Эл республикыла гыч тўрлў ийготан 400 наре мурызо мастарлыкшым ончыктен. Снимкыште Звенигово район Кожласоласе «Теремок» йочасад гыч Аня Васильевам ужыда. Тудо «Прялица» мурым йонгалтарен да диплом дене палемдалтын.

## Йўратыме сомыл

Мыйын коваем эмлызылан пашам ышта. Тудын пашажым ончен, мыланем ты професий келша. Яра жап годым ковам деке пашашкыже коштам, кузе да мом ыштымым эскерем. Мый черле еглан сайым ыштынем, нуным эмлынем. Чыланат таза лийышт, манын шонем.

**Валерия ВЕСЕЛОВА,**  
6-шо «В» класс.  
Звенигово, 2-шо номеран Красногорский школ.



Апрель теле ден кенжежым пуна.

## Ялысе илыш

Шукын шонат, пуйто ялыште илаш пеш сай: чыла уло, чыла ямде. А шоналташ гын, йўршынат тыге огыл. Ялысе калыкклан пеш шуко паша логалеш: кенжежым шудым ямдылыман, йырангыште шўкшудым кўрман, вольыкым ончыман. Но вес семынже, от ўрканы гын, ялыште иле веле! Яндар южым шўлымыжак мом шога! Ялыште эн сай, эн волгыдо, эн поян илыш.

**Валентина КУШАКОВА,**  
Советский, Кодам.

# Шочмо йылме — сеңымашлан негыз

Оласе  
марий йоча

— Тыгай шوماкым колмеке, кумылем чылтак кавашке нӧлталтын, — куанен ойла марий йылмым тунуктышо Р а и с и я Арсентьевна Шабдарова. — София олаште шочын-кушкын г ы н а т , марий йылмылан пеш



Йошкар-Оласе 14-ше номеран гимназийын 6-шо «А» классыштыже София Павлова (снимкыште) чыла «визытанлан» тунемеш. Изирак классыште улмыж годым нелын черланымекше, педагог-влак София деке мӧӧгышкыжӧ урокым эртараш коштынют. Тунам изи ӱдыр деч «Тӱӱ предмет-влак деч посна эше могай предметым тунемнет?» — йодын класс вуйлатышыже. «Марий йылмым!» — вигак каласен София.

шӱман. Ача-аваже икте-весе дене марла мутланат, ӱдырыштымат кумылакдат.

Софиян хоббиже — марла возымо почеламутым сылнын лудмаш. Кажне марий шوماкым умылен, чын ойлаш тырша. Тиде почеламутым сылнын лудмашын ик эн тӱӱ ойыртемеже. Изиракше годым «Шокто, гармонь» йоча ансамбльыш коштымжо шкем сценыште моторын, лывыргын да лӱдде кучаш полша. Мурызо Наталья Глазырина вокал студийыштыже мураш тунеммыже — кӱлешан да пайдале урок. Почеламутым сылнын лудмо конкурслаште чӱчкыдын сеңыше-влак радамыш логалеш.

— Мемнан гимназийыш-

те тунемше Ольга Васильеван почеламутым лудмыжо мыланем келша, — ойла София. — 20-шо номеран школ гыч Арина Филатова — пеш мастар. Ӱдыр-влак произведенийым лудмышт годым чылт артистке гай кертыт. Нунын деч шукылан тунемам.

Марий ача-аван ӱдыржӧ яра жапыште книгаг шуко лудеш. Марий писатель-поэт-влак кокла гыч С.Чавайнын, М.Шкетанын, В.Колумбын сылнымутышт келшат. Каникул годым коча-кова деке марий ялыш унала миен толмыжо ялысе калыкын йылме ойыртемым, йӱлажым, тӱвыражым пален налаш полша.

Л.ГРИГОРЬЕВА.

Авторын фотожо.

## Йошкар-Оласе тунемше-влак возат

### Музык урок

Мыланем школ-интернатыште тунемаш пеш келша. Урок деч вара фортепьяно дене шоктем. Тиде семӱзгар дене шокташ Любовь Александровна Тойгичева икымше класс гычак тунукта. Музык урокышко куанен ошкылам.

Мария МАЙОРОВА, 3-шо класс.

Национальный президент школ-интернат.

### Яндар кундемна

Марий йылме урокышто Марий кундемсе тазалыкым пенгыдемдыме лагерь да каныме вер-влак нерген ойлышна. Тыгайже мемнан дене пеш

шуко улмаш. А мый ӱмаште кенезым Анапа ола воктенесе «Жемчужина России» лагерьыште канenam. Тений шкенин республикын мотор верлаштыже лияш шонем.

Кристина ВАСИЛЬЕВА, 10-шо «Б» класс.  
21-ше номеран школ.

### Йошкар-Оласе марий ӱдыр-рвезе-влак!

«Ямде лий» газетым оласе киосклаште налын кертыда. Подпискым редакций гоч шулдырак ак дене ышташ лиеш. Мутлан, Йошкар-Оласе 7-ше номеран школын тунемшыже-влак (тунуктышо — И.В.Закиева) кажне гана газетлан редакций гоч возалтыт. Шуматкече еда «Ямде лийым» куанен налыт, уроклаште кучылтыт, шкештат возкалат, сӱретым колтедат. Пашашт-влакым газет лаштыклаште ужмеке, куанлан уке мучаш!







## Йоратыме кочаем

Кочам Александр Иванович Павлов Сотнур кыдалаш школышто историй да обществознаний дене йоча-влакым 30 ий утла тунуктен. Кызыт – сулен налме канышыште. Тудо мемнан дене пырля книгам лудеш, шашке дене модеш, мыланна тўрлў оҥайым каласкала. Кочамым мый моткоч йоратем.

Дмитрий ОГУРЦОВ, 2-шо класс.

Волжский, Сотнур.



## Эн поро

Авам эн поро, эн ласка,  
Арам йоршеш ок вурсо,  
Эн тамле кочкишым шолта.

Мылам гын пуйто Суксо.  
Кокланже мыйым мокталта,  
Ўпемым порын ниялта,  
Санден авамым йоратем,  
Тудлан эре полшаш тыршем.

Соня САДОВИНА.

У Торъял,  
Токтарсола.



## Гармоньчо ковам

Ковам Алевтина Аркадьевна Суслова – пашан ветеранже. Кевытче лийын, ятыр чапкагаз, шергакан пўлек дене палемдалтын. Изиж годым ачажын гармоньым шоктымыжым колыштын, паҥга-шамычым кузе темдыштмыжым эскерен. Вара шке гыч семым лукташ тунемын. Ковамын шоктымыжым ончен, изи Дима шольымат гармоньым шупшкедылеш.

Шукерте огыл ковам школышко вашлиймашке толын. Тудо пушкыдо мелнам, тамле когылым кўештын конден, мемнам сийлен. Гармоньжымат шокталтен.

Данила ВАСИЛЬЕВ, 7-ше класс.

Морко, Шордўр.



А в а м ы н лўмжў – Елена Абрамовна Пиченина. Тудо пеш шуко пала. Южгунам мўнгысў пашам ышташ полша, чыла раш умылта-ра. Кастене авана кидпашам ышта, а ме телевизорым ончена, книгам лудына. Ме ешыште кум икшыве улына: изам, мый да шўжарем. Аванам пеш йоратена да пагалена, туддене кугешнена.

Антон ТОРОПОВ.

Медведево,  
Знаменка.

Ковамын кидше пушкыдо да ласка. Мыйым коваем пеш йората.

Кирилл НИКОЛАЕВ, 4-ше класс.

Татарстан, Агрыз, Пелемеш.

## Шоганым шындена

Коваем пашан пеш тале. Шошым коктын пакчам кўнчена, йыран-влакым ыштена. Шоганым, ушменым, кешырым шындена.



## Чылалан ава кўлеш

Саша изам дене коктын авамын паша гыч толмыжым куанен вучена. Пўрткўргым эрыктена, пеледышыш вўдым шавена, кўмыж-совлам мушкына. Изам кочкаш парентгым жаритла. Авана тидлан пеш куана. Сай отметкым налына гын, вўчкалтен-ўндалын колта. Тек тўняште чыланыштын авашт лиеш!

Настя БУШКОВА, 6-шо класс.

Параньга, Элпанур.

## Эн шыма

Авам Надежда Валериановна – поро да шыма, пашаче ўдырамаш. Чыве фермыште тырша. Мый тудым чаманем, сурт кокласе сомылкам ышташ полшем.

Роман ШУБИН.

\* \* \*

Авам – мотор ўдырамаш. Пашаже шуко, садлан мый эре полшем. Аваемлан шке кидем дене ыштыме пеледышым чўчкыдын пўлеклем.

Дима ПОЛУШИН.

\* \* \*

Авам Надежда Юрьевна йочасадыште ньога-влаклан тамле кочкишым шолта. Тудо моткоч поро кумылан. Авам пеш йоратем.

Роман ТЫРТЫШНИКОВ.

Советский, Вечын.







### Лум шула

Кече чотрак ырыкта, лумым шулыкта. Коремлаште вјд йога. Йоча-шамыч кайык-влак толмо вашеш шырчык омартам ыштен ямдыленыт. Шошо толмылан йывыртен, пушым колтыл модыт.

**Евгения ОГУРЦОВА.**  
Волжский, Сотнур.

\* \* \*

Чеве кече ош мамык тйшакым вјдыш савыра. Вјд, корем могырышко йыргыктен, мјндыркй шоргыктен йога. Йогын почеш изи пушым колтыл модаш пеш оҥай.

**Диана СМЕРНОВА.**

Морко, Коркатово.



**22 апрель – Мландын тўнямбал кечыже.**

Марий Элыштына 25 апрель гыч

21 май марте "Чодырам шындыме кече" всероссийский акция эрта. Тыят, йолташ, шочмо кундемыштет ик пушенгым шынде!



Авторын сўретше.

**Кўшыч ўлыкй:** 1. Могай кайык коя падырашым кочкаш йората? 2. Могай пушенге эн сйрал? 5. Могай пушенге тельымат, кенежымат ужарге? 7. Могай кайык тельлан шокшо вельш огеш кай? 9. Могай кайык шолт-шолт-шолт перкала?



**Шола гыч пурлашке:**

3. Могай янлык пушенге кйргашыште ила? 4. Могай кайыкын онжо йошкар олма гай коеш? 6. Могай понго куэ йымалне шочеш? 8. Могай кайык эн сылнын шўшка? 10. Могай янлык тельлан малаш возеш?

**Полина ЭЛЕМБАЕВА,**

7-ше класс.

2-шо №-ан Шернур школ.



Кольштса, кузе мур! Шулдырлажым пералта. Малышым помыжалтара, Шырчык толын – ой ура! Шке илемжым пеш терга. Пйрткайыкым пеш покта, "Лийым пйртемлан оза", – Муралталеш шырчыкна.

**Катя ФОМИНА.**

Марий Турек, Сардаял.

Самырык маскан оныштыжо, тупыштыжо ош галстук гай тамга уло. Кушмо семын тудо йомеш.


## Ме тўнян ужашыже улына

25 мартыште Юлтех кугыжаныш университетыште "Айдеме. Пўртўс. Творчество" конкурс эртен. Очный турыш 59 шымлымаш паша пурен. Самырык эколог-влак куд секцияштыште тагасеныт.

**I верым налыныт:** "Агроэкология" – Екатерина Торбеева, Волжск олесе экологий рўдер; "Ботаника и экология растений" – Ренат Юсупов, Политехнический лицей-интернат (Йошкар-Ола); "Зоология и экология животных" – Иван Жданов, Советский район Ронго школ; "Ландшафтная экология и комплексные исследования" и "Экологический мониторинг" – Лилит Оганнисян, Оршанке кыдалаш школ; "Экология человека и его здоровье" – Анастасия Новосйлова, 28-ше №-ан лицей (Йошкар-Ола); "Юные исследователи" – Рустам Тухватуллин, Волжск олесе экологий рўдер.

**Морко район Коркатово лицейын 25 тунемшыже тиде конкурсыш ушнен, нунын кокла гыч Ангелина Яковлева ден Елена Павлова II верым налыныт, а Мария Сапожникова III вер ден палемдалтын. Ёдыр-влак туныктышышт Валентина Михайловна Васильева ден Раисия Александровна Новиковалан таум ойлат!**

**Марий Элысе йоча экологий да биологий рўдерын уверже почеш Н.СЕМЕНОВА ямдылен.**





**Ушештарена:** Талешке кече вашеш увертарыме викторинын йодышыжо-влакым 2016 ий 9 апрельште лекше «Ямде лий» газетыште ала «Вконтакте» соцсетышыште «Ямде лий» – марла йоча газет» тўш-каште муын кертыда. Вашмутым 20 апрель марте колтыман.



Артём АНИСИМОВЫН сўретше.

### Вийым пуа

Ожно Курык кугыза,  
Патыр, лўддымў, чолга,  
Марий-шамычлан  
полшен,

### Келшымаш

Илышыште келшымаш ок лий гын, чылан туманлат ыле. Ме Даша йолташ ўдырем дене пеш келшена. Тудо ушан, лудаш йората, весела, мылам эре полша.

**Виктория ОСИПОВА.**  
Марий Турек, Арбор.

Эре сайым вел ыштен.  
Марий патыр

Чумбылат  
Калыклан полша адак.  
Вийым кызытат пуа  
Да осал деч арала.

**Эмилия АЛЕКСАНДРОВА.**  
Морко, Коркатово.

Марий Эл Республикысе йоча да самырык-влакын театр-рудер (Марий самырык театр)

Республикысе тўвыра да келшымаш кыла шотышто «ВийАр» ушем «Ямде лий» йоча газет

24 апрель 11<sup>00</sup> шагатаан

**«Шарналте тыят тукуметым»**

Талешке кечылан пблекмагтыше

**Йоча концерт**

Ак: 100 центе

Художественный вулгалтыше - Россия да Марий Эл искусствын сулло деятельше Олея Ириабавее-Этаин

Йодышлан телефон: 30-46-80 30-46-70 www.mari-luz.ru

информаций полшык:

Арслан КИДШЕР ГТРК «МАРИЙ ЭЛ» Марий Эл



Мерак,  
ривыж, пире да маска  
Улыт поро йолташна.  
Янлык курчак-влакым  
теат пидын ончыза.

**Н.ГОДУНОВА.**  
Йошкар-Оласе 80-ше  
№-ан йочасад.

### Историйым шергалына



1242 ий 5 (у календарь дене 18) апрельште Ледовый побоище (кугу кредалмаш) лийын. Ливон орденын воинже-влак Псков да Новгород мландылам поген налнешт улмаш. Русь монгол-татар ваштареш кредалын, вийжым йомдарен. Ливон орден, тидым пален налмек, 20 тўжем енан армийым чумырен, руш войскам пеш вашке кырен шалаташ шонен. Но Александр Невский (Ярославович) чоярак лийын: тудо тушманым ондак ончык колтен, вара авырен налын. Тыге немыч-влак чакнаш тўналыныт, а шенгелнышт Чудское ер лийын. 120 килограмм нелытан рыцарь-влак ий йымаке пуренгаен коленыт. Ливон орден сенгалтын, Новгород да Псков мландылам пўртылтен.

### Ледовый кредалмаш

### Калык пале

- ♦ Апрель толын – йїштў деч ит лїд.
- ♦ Апрель йолагайым огеш йорате.
- ♦ Апрель тельн омсажым петыра.
- ♦ Апрель памаш ден вїд йогыным почеш.
- ♦ Вїдшор мландым кынетла.

**В.КУГОРНО** ямдылен.

Индекс  
Роспечать - 52713, МАП - 78574.  
Тираж 1300 экз. Заказ 1181.  
Формат – А-4-8.  
Директор-тўн редактор  
Л.В.СЕМЕНОВА.

E-mail: yamde\_lii@mari-el.ru,  
yamde\_lii@mail.ru  
Сайтын адресше: yamde-lii.ru,  
Тел. 45-25-49(факс);  
45-22-82.

**УЧРЕДИТЕЛЬ-ВЛАК:**  
Марий Эл Республикысе культур, печать да национальность паша шотышто министерстве, "Ямде лий" газет" кугыжаныш унитарный казенный предприятий.

Газетым Массовый коммуникаций сфериште да культур наследийым аралымаште законодательством шуктен шогым эскерыше Федеральный службн Праволжский федеральный округысо управленийыште регистрироватлыме.  
Номер – ПИ №ФС 18-1999,  
2005 ий 10 февральыште пуымо.

Печатьш пуымо жап – 14-00,  
фактически – 13-00.  
Ак – кутырен келшыме почеш.

Авторын да редакциянын шонмашышт тўрлў лийын кертыт. Серыш-влак мўнгеш огыт колталт.

Газетым редакцияныште погым да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакциянын да издателынын адресше: 424006, Йошкар-Ола, СССР Вооружённый Вийын 70-ше идалыкше урем, 20.



## Шырчыклан – у пöрт



## Шулдыран йолташ

Пöрт воктекна  
толын шинчын,  
Изи шырчык муралта.  
Тыгай мотор  
шошо кечын  
Уло кумылем нöлта.  
Мый йодам:  
«Кузерак илыш?»  
«Чыла сая!» – муралта.  
Ынде тудын  
сылне йүкшö  
Ялна мучкына йоҗга.  
**Лиана СЕМЁНОВА.**  
Марий Турек, Арбор.

«Мут-влакым ешарыза» заданийлан мут-влак: июньышто, памятник, Палантай, 24, композитор, 1886, Звенигово, Какшамарий, Йошкар-Оласе, Озаҗысе.


## Вот вет, кузе вет



Туныктышо

тунемшыж  
деч йодеш:

– Муно гыч молан чывиге  
лиймым умылтарен керат?  
– Кертам. Тудо салмамуным ыштыме  
деч лүдеш!



Сүрегыште 15 квадратным кычал.

Ўс-тембал-не вич олма кия. Иктыжым пелыгыч пүчкыт гын, чыла-же мыняр олма лиеш?



## И.Палантай. 130 ий

## Мут-влакым ешарыза

✓ Иван Степанович Ключников... – икымше марий...

✓ Тудо ... ий ... апрельыште ... район ... ялеш шочын.

✓ Палантай ... музыкальный училищыште тунемын.

✓ Тудын лүмжым нумалыт: ... училище, Чавайн бульварыште ..., ... урем.

✓ И.С.Ключников-Палантайын 1926 ий 11 ... ўмыржö кўрылтын.

**Алёна ВАСИЛЬЕВА.**

Морко, Энерсола.



Шокшывел  
гыч шырчык толмым  
пеш вучышна. Тудлан ме у  
пöртым чоҗышна (снимкыште).  
Чоҗышыжо ачам лие. Ме, йоча-влак,  
онам, пудам пуэдышна, кучаш пол-  
шышна. Шырчык омартам пакчәсе ик  
пушенгеш сакышна. Куанже мыняр:  
мемнан омарташкына шырчык илашат  
пурыш. Таум ыштымыла, уна мурал-  
тен колтыш.

**Юлия АНИСИМОВА.**  
Морко, Коркатово.

## Вич кайыкым му.



## Точкылам ушо. Шошымсо олыкыш мо лектын?

